

А. П. КАЖДАН, *Византийская культура* (X—XII вв.), Издательство „Наука“, Москва, 1968, 232 էջ, 28 նկար

Հայ ժողովրդի միջնադարյան պատմությունը սերտորեն առնչվել է Բյուզանդական կայսրության հետ: Բյուզանդական կայսրության մեջ չի եղել որևէ մի ազգային տարր, որ հույներից հետո խաղացած լինի այնքան մեծ դեր, ինչքան հայերը: Այս իսկ պատճառով Բյուզանդական կայսրության պատմությունը նվիրված ամեն մի ուսումնասիրություն՝ այս կամ այն չափով հետաքրքրություն է ներկայացնում հայ ժողովրդի պատմության համար:

Ա. Պ. Կաթանը ընդհանուր ճանաչում գտած սովետական բյուզանդագետ է: Նա ունի բազմաթիվ արժեքավոր դիտական մենագրություններ՝ նվիրված Բյուզանդիայի պատմությանը¹, բազմաթիվ գիտա-հանրամատչելի ուսումնասիրություններ, մեծ թվով դիտական հոդվածներ, լույս տեսած հիմնականում «Византийский временник» հանդեսում, ինչպես և այլ պարբերականներում: Վերջերս նա մեր հանրապետական մամուլում հանդես եկավ մի քանի հոդվածներով, նվիրված հայ-բյուզանդական հարաբերություններին:

«Բյուզանդական մշակույթ»-ի տակ հեղինակը նկատի ունի տվյալ հասարակության ողջ ստեղծագործական գործունեությունը. նյութական բարիքների արտադրությունից սկսած, մինչև առասպելաբանությունն ու գեղարվեստական իդեալները: Հեղինակն իր առջև նպատակ է դրել կառուցել բյուզանդական հասարակության մոդելը գործող վիճակում, գլխավորապես X—XI դդ., այն ժամանակաշրջանում, երբ բյուզանդական հասարակությունը հասավ իր դասական ձևերին, և բնականոն զարգացման դուրսում պետք է թեկնոթեր վերածննդի ժամանակաշրջանը, մի բան, սակայն, որ ներքին և արտաքին անբարենպաստ պայմանների բերմամբ, դժբախտաբար, տեղի չունեցավ:

«Բյուզանդական» պետություն, այդ անվան տակ, երբեք գոյություն չի ունեցել, հույներն իրենց պետությունն անվանում էին «Հռոմայեցիների (իմա՝ հռոմեաների) կայսրություն»: «Բյուզանդիա» տերմինը կյանքի կոչեցին հումանիստները, կայսրության անկումից հետո, նրա մայրաքաղաք Կոստանդնուպոլսի նախկին անվան՝ Բյուզանդիոնի հետևությամբ:

Դրքի առաջին գլխում, որ վերնագրված է «Աշխարհի յուրացումը», խոսվում է բյուզանդացու աշխարհիկ կյանքի մասին, սկսած երկրագործությունից, անասնապահությունից, արհեստագործությունից ու առևտրից, մինչև հաղորդակցության ճանապարհները, բնակարանների ձևերը և հագուստը: Հեղինակը դալիս է այն եզրակացության, որ բյուզանդական տնտեսությունը հիմնված էր մանր արտադրության վրա: Արհեստավորները հիմնականում աշխատում էին շուկայի համար, գյուղացիները նույնպես իրենց ավելցուկները շուկա էին հանում, թեև տնտեսական «ինքնարավարման» ձգտումը հատուկ էր, ինչպես արևմտյան ժամանակակիցներին, նաև բյուզանդացիների համար: Բյուզանդական արտաքին առևտուրը շնորհիվ իր առավելակալ ներմուծման վրա, քան արտահանման: Բյուզանդական տնտեսությունը խարսխված էր դրամական հիմքի վրա, թեև նատուրալ բնույթը լայն տարածում ուներ: Դրամաշրջանառությունը XII դ. լայն տարածում է գտնում նաև գյուղում:

Երկրորդ գլուխը վերնագրված է «Սոցիալական կապեր»: Այս գլխում խոսվում է նախ և առաջ բյուզանդական հասարակության հիմնական քիչի՝ ընտանիքի մասին: Համեմատելով

¹ «Аграрные отношения в Византии XIII—XIV вв.», Москва, 1952; «Очерки истории Византии и южных славян» (Գ. Գ. Լիտվինի հետ), Москва, 1958; «Псамафийская хроника (в кн. Две византийские хроники X века», Москва, 1959; «Деревня и город в Византии IX—X вв.», Москва, 1960; «Происхождение христианства и его сущность», Москва, 1962; «Возникновение и сущность православия», Москва, 1968. Ա. Պ. Կաթանը խմբագիրն է և բազում գլուխների հեղինակը վերջերս լույս տեսած «История Византии» եռա-հատոր կարևոր աշխատության 2-րդ հատորի:

² «К истории византино-армянских отношений в XII в.», «Պատմա-բանասիրական հանդես», № 4, 1964, էջ 235—236; «К истории византино-кавказских связей на рубеже XI—XII вв.», «Պատմա-բանասիրական հանդես», № 1, 1967, էջ 174—176

Հռոմեական ընտանիքի հետ, հեղինակը գտնում է, որ բյուզանդական ընտանիքն ավելի ամուր
 1-ի և թե հռոմայեցին նախ և առաջ քաղաքացի էր, քաղաքային համայնքի՝ մունիցիպիումի ան-
 դամբ, ապա բյուզանդացին, որի համար հասարակական կյանքը ֆիկցիա էր, ավելի էր ներ-
 փակվում ընտանիքի շրջապատում: Այս առումով հեղինակը կանգ է առնում տարբեր հարցերի
 վրա, այն է՝ ամուսնության և ամուսնալուծության, ընտանիքի գույքային հարաբերությունների,
 կնոջ դիրքին բյուզանդական հասարակության մեջ: Գյուղական համայնքը բավականին թույլ
 էր, իսկ նրա քաղաքային անալոգիան, առևտրա-արհեստավորական կազմակերպությունները
 համբարությունները XII դ., հավանաբար, դադարում են գոյություն ունենալուց՝ համենայն դեպս
 մայրաքաղաքում: Վանքերը ենթարկվում էին պետությանը, եղբայրության անդամները, որպես
 կանոն, 10—20 հոգի էին, որոնք կարող էին ունենալ սեփականություն: Անդրադառնալով բյու-
 ղանդական քաղաքին, հեղինակը նդեսիայի օրինակով ցույց է տալիս, որ նրանք ունեին քաղա-
 քային խորհուրդներ, որոնք, սակայն, ենթակա էին կայսերական վարչության, հարկային պաշ-
 տոններության, կայսերական դատավարության և ռազմական գործիչներին: Այս գլխում խոսվում է
 նաև կայսրության սահմաններում ապրող այլ ժողովուրդների մասին, (այդ թվում և հայերի)
 երկրում նրանց գրաված դիրքի, նրանց հանդեպ կայսրության վարած քաղաքականության մա-
 սին: Խոսվում է նաև հասարակության հիերարխիայի, պրովինցիաների արիստոկրատիայի, վեր-
 չինիս և Կոստանդնուպոլսի արիստոկրատիայի միջև գնացող սուր պայքարի, և, վերջապես, աշ-
 խարհիկ իշխանությանը ենթարկված եկեղեցու և հոգևորականության մասին: Խոսելով դպրոցի
 և կրթության մասին, հեղինակը ցույց է տալիս, որ Բյուզանդիայում եկեղեցին մենաշնորհյալ
 վիճակում չէր: IX դարից Կոստանդնուպոլսում սկսեց գործել բարձրագույն դպրոցը, որ հիմնա-
 դրվեց հայագրի նշանավոր գործիչներ՝ պատրիարք Փոտի, կեսար Վարդասի, Լևոն Մաթեմատի-
 կոսի և այլոց ջանքերով: Համալսարանն ուներ երկու բաժին՝ իրավաբանական և փիլիսոփայա-
 կան: Կային մասնավոր դպրոցներ, ինչպես և հոգևոր՝ եկեղեցուն կից:

Երրորդ գլուխը վերնագրված է «Իշխանություն»: Բյուզանդիայում երկար ժամանակ կայսեր
 ժառանգական իշխանություն գոյություն չուներ: Կախուրը Բյուզանդական կայսրության ներկա-
 յացուցիչն էր, նա սուլթ էր համարվում, ուներ անսահմանափակ իրավունքներ բոլորի նկատմամբ:
 Նա գերագույն դատավորն էր, օրենսդիրն ու օրենքի մարմնացումը: Նա էր պարզեում բարձր
 տիտղոսները, որոնք ցմահ լինելով, ժառանգական չէին: Այս գլխում խոսվում է նաև բյուզան-
 դական դատական, հարկաձեռնարկի սխեմաների, երկրի կառավարման հետ կապված հիմնարկ-
 ների մասին: Պրովինցիալ կառավարման հիմնական օղակը բանակաթեմն էր՝ զորավարի գլխա-
 վորությամբ, որի ձևովում էր գտնվում և՛ ռազմական, և՛ վարչական իշխանությունը: Զորավար-
 ները աշխատում էին իրենց պաշտոնը ժառանգական դարձնել: Խոսելով բյուզանդական բանակի
 մասին, հեղինակը ցույց է տալիս, որ ժամանակի ընթացքում օտարերկրացի վարձկանները այն-
 տեղ է՛լ ավելի մեծ դեր են խաղում: Բյուզանդական կայսրության թուլությունը XI դարում և
 1204 թ. աղետի պատճառը հեղինակը տեսնում է ոչ թե ֆեոդալական հարաբերությունների զար-
 ցացման և ֆեոդալական մասնատվածության մեջ, այլ ընդհակառակը՝ ֆեոդալական կարգերի
 անբավարար զարգացման մեջ: Երկիրը տառապում էր ոչ թե ֆեոդալական մասնատվածությունից,
 այլ բյուրոկրատական կենտրոնացումից և նրա ծնունդ տված քաղաքացիական ու բարոյակա-
 նատարբությունից, որ համակել էր լայն խավերը:

Չորրորդ գլխում («Աշխարհի կերպարը») խոսվում է բյուզանդացու աշխարհայացքի մասին:
 որը քրիստոնեությունն էր: Այն պետական կրոն դարձավ IV դ., թեև հեթանոսության վերապրուկ-
 ներ հանդես են դալիս նույնիսկ XII դ.: Բյուզանդական աստվածաբանների պայքարը X—XII դդ.
 ուղղված էր ոչ այնքան հեթանոսական առասպելների և ծիսակատարությունների դեմ, ինչքան
 իսլամի և հրեականության, հատկապես քրիստոնեական աղանդների դեմ: Ուշ Հռոմեական կայս-
 րության մեջ ամենատարածված կրոնական ուսմունքը Արևելքից եկած մանիքեությունն էր, որի
 հիմքում ընկած էր անհաշտելի պայքարը Լույսի և խավարի, ուսմունք, որ հանդես էր գալիս
 որպես մեղավորների զաղափարախոսություն: Մանիքեության հակոտնյան էր նեոպլատոնակա-
 նությունը: Քրիստոնեությունն սկզբունքորեն տարբերվում էր և՛ մանիքեական դուալիզմից, և՛
 նեոպլատոնական մոնիզմից: Հիսուսը միջնորդն էր երկրայինի և երկնայինի միջև, որովհետև նա
 կատարյալ աստված էր և կատարյալ մարդ: Այստեղ հանգամանորեն խոսվում է քրիստոնեական
 երրորդության ուսմունքի մասին, Քրիստոսի մարդկայության և բազում այլ հարցերի մասին:
 Ուղղափառ քրիստոնեական ուսմունքը իր ժամանակին սուր քննադատության ենթարկվեց տարբեր
 մտածողների կողմից: Այդ առթիվ հեղինակը կանգ է առնում արիոսականության և նեստորա-
 կանության, պավլիկյանության ու բոգոմիլության, ապա նաև պատկերամարտության և գաղա-
 փարական այլ հոսանքների վրա: Այս գլխում խոսվում է նաև բյուզանդական եկեղեցու ճարտարա-

պետության, տաճարների պատկերազրույթյան, հոգևոր արարողության, հոգևոր խորհուրդների, ապա նաև մարդու մասին բյուզանդական գիտության, մարդու և աստուծո հարաբերության, աշխատանքի ու սեփականության, դիտելիքների, ազատության և անկախության վերաբերյալ նրա հայացքների, սնտիապաշտության մասին: Հեղինակը կանգ է առնում բյուզանդական և հոռոմեական եկեղեցիների փոխհարաբերությունների և դավանաբանական պայքարի, այդ զաղափարական տարբերությունների վրա, որոնք արդյունք էին նրանց սոցիալական ստրուկտուրայի տարբերության:

Գեղարվեստական իդեալը՝ վերնագրով «ինգերորդ զլխում խոսվում է նախ և առաջ բյուզանդական արվեստի մասին, որը ելնում էր երկրայինի՝ երկնայինի հանդեպ ունեցած հակադրությունից, երկնայինի առաջնությունից երկրայինի նկատմամբ: Բյուզանդական արվեստի նպատակն էր ոչ թե երկրայինի արտացոլումը, այլ երկրայինի աստվածային աշխարհ դուրս գալը: Լերվեստի առարկա է համարվում ոչ թե անցողիկ ու փոփոխական աշխարհը, որ մատչելի է մարդու զգայարաններին, այլ աշխարհի էությունը և զաղափարը՝ հավիտենական և անփոփոխ, որ հայտնվում է միայն մտավոր հայացքին: Հակառակ դրան, բյուզանդացիները պահպանեցին անտիկ ավանդությունները, չմերժեցին մարմնականը, քանի որ վերջին հաշվով այն բյուզանդացու համար աստուծո արարչություն էր համարվում: Կարելի է ասել, որ բյուզանդական արվեստը տանում է ոչ թե դեպի մարմնի դատապարտումը, այլ մարմնայինի հաղթահարումը, հաղթահարումը առարկաների տեսանելի թաղանթի: Հեղինակը նշում է, որ բյուզանդական արվեստը վերջին հաշվով կոչված էր ծառայելու մի նպատակի՝ մարդու վերկույթյանը, այդ իսկ պատճառով արվեստը իր էությամբ պետք է հոգուն օգտակար լիներ, նա ուսուցողական էր, միշտ բովանդակում էր բարոյական նպատակներ, սարքերում բարին չարից:

Քանի որ գեղարվեստական ստեղծագործության նպատակը դիտվում էր որպես զաղափարի արտահայտություն, բյուզանդական արվեստը, համենայն դեպս տեսականորեն, առաջնությունը տալիս էր բովանդակությանը և ոչ թե ձևին: Լինտիկ աշխարհը ստեղծեց ներդաշնակորեն զարգացած անհատի իդեալ, իսկ քրիստոնեությունը աշխարհում տեսավ աններդաշնակություն, անհամամասնություն, բայց միաժամանակ ուզեց հաշտեցնել աշխարհի այդ հակասականությունը, ուզեց երկնքի և երկրի միջև կամուրջ գցել: Որա համար բյուզանդական արվեստը ստեղծում է ոչ թե մարմնի և հոգու հարմոնիկ միասնություն, այլ նրանց հակասությունը, որտեղ հոգևորը գերիշխում է մարմնականի հանդեպ: Իկյս զլխում մանրամասն խոսվում է եկեղեցու պատկերազարդման «կանոնի» մասին, որն իր արտահայտությունն է գտնում նաև մանրանկարչության մեջ:

Վերջին, վեցերորդ զլուխը վերնագրված է «նորը ընդդեմ Հնի» X դ. սկսած առավել ուժեղ լարգացում է ապրում խոշոր հողատիրությունը, հզորանում են նահանգային քաղաքները և Կոստանդնուպոլսի տնտեսական մենաշնորհյալ վիճակը վերջ է գտնում: Հանդես է դալիս հողատիրական ժառանգական նոր արիստոկրատիա, որը ձգտում է իշխանության: Քաղաքական իրավիճակն էլ է փոփոխություններ ապրում: Բյուզանդիան XI դ. սկսում է քաղաքական և տնտեսական ավելի սերտ կապեր հաստատել հարևանների հետ: Բարձր զարգացման է հասնում կրթությունն ու գիտությունը: Լերդեն հանդես է գալիս հարգանք դեպի բանականությունը, փաստի ուսումնասիրությունը: Մնունդ է առնում բյուզանդական ոացիոնալիզմը, որի հետ միասին առաջին փորձերն են արվում գրական ստեղծագործության օղեմոկրատականացման ուղղությամբ: Փորձեր են արվում նաև գրականության լեզու դարձնել խոսակցական լեզուն: Հարցականի տակ է դրվում հին բարոյականությունը: XII դ. գալիս է ապրում կրոնական անտարբերությունը: Գրականության մեջ Քրիստոսի գինվորի փոխարեն արդեն հանդես է դալիս պարզապես գինվորը, հազվադեպ դինվորը, որ արիստոկրատի իդեալն էր համարվում: Նախորդ դարերում գրականության հիմնական ժանրերն էին վարքագրությունները, համաշխարհային-պատմական ժամանակագրությունները և շարականները: XI դ. հանդես է դալիս մեմուարային գրականությունը, դարգացում են ապրում աշխարհիկ պոեզիան, նամակագրական գրականությունը և սիրային նորավեպը: Նորը, նասկանալի է, իր համար ճանապարհ էր հարթում հնի դեմ սուր պայքար մղելով, բայց նորը չհաղթանակեց: Նախ և առաջ նա պարտության մատնվեց Լեդրոնիկոս Լ-ի ծանր վարչակարգի շնորհիվ, ապա 1204 թ. խաչակրաց արշավանքի: Լերմուտքից բաժանված լինելով եկեղեցական հարցում, Բյուզանդիան մասնակից չդարձավ այն առաջադիմական տենդենցներին, որոնք արդեն արմատներ էին գցում Լերմուտքում: Տնտեսապես թուլացած Բյուզանդիան ի վիճակի չեղավ դիմագրավել թուրքական հարձակմանը: XV դ. կեսին նա դադարեց գոյություն ունենալուց:

Ինչպես սկզբում ասացինք, Լ. Պ. Կաթանը նույառաջ է դրել կառուցել բյուզանդական հասարակության մոդելը իր դործող վիճակում: Հեղինակին այդ բանը միանգամայն հաջողվել է: Գիրքը զրված է գիտակ, տվյալ թեմայի վրա երկար տարիներ քրտնաջան աշխատանք թա-

փած, ժամանակաշրջանը խորը ուսումնասիրության ենթարկած մասնագետի կողմից, դրված է լավ, սահուն և պատկերավոր շեղում և ընթերցողին տալիս է լիակատար պատկերացում բյուզանդական հասարակության բոլոր բնագավառների մասին զլխավորապես X—XII դդ. Գիրքն ունի «Հիմնական դրականության» ցանկ, «Հատուկ անունների բառարան» և բնագրից դուրս 28 նկարներ։

Ա. Պ. Կաթողանի աշխատությունը հետաքրքրություն է ներկայացնում նաև կայսրության ներքին կյանքին և արտաքին հարաբերություններին, կայսրության ուժեղ և թույլ կողմերին վերաբերող սուսանձին հարցերի հեղինակի նախ դրվածքով և նրա տված յուրովի բացատրություններով։

Հ. Մ. ՐԱՐԹԻՎՅԱՆ